

10. **Preek** bgv carnaval

Uvveral hange vaane mit roëd, gael en greun,
in dis daag zunt dis kluure gans geweun.
want d'r vasteloavend is weer in 't land.
Vuur drei daag kinne alle zörge aan de kant.

2.

Mèr ooch de kluure gäel en blauw
losse oos ummer wisse, gans genau,
dat d'r vasteloavend in Vlorp geet beginne
en veer tsied kinne make um te zinge en te springe.

Eegenlich is is het zoë, dats doe zaage kins,
Dat d'r vasteloavend allang begonne is mit 't oetroope vaan
d'r prins.

Ooach d'r boonte oavend is nit te vergete
Dat zult uur allemoal toch waal wete.
Sogaar d'r Trump koam ins kiëke
En woal doanoa nit mie vaan 't Angela wieke.

De Prinsereceptie hat inge ganze daag gedoert,
Tenminste, dat han iech zoë uvveral gehoert.
Dis waech hat d'r prins de kranke en auw luuj mit een bezuk
vereert,
Ooach die luuj tselle mit en blieve vuur d'r prins alle
aandacht waerd.

Doarum wil iech d'r prins mit ing sjpang oes Kirchroa iere
Mit zoe ing dekoratioen kaan hae daan richtig karnaval vieëre.

Es pastoër sjtoan iech heij nit als buutereedner tse kalle
En zaan iech nit, wat iech miech zoëmer in los valle.
Es pastoër mos iech uuch ummer wiese op d'r Herregot
want dae kunt deks hiel veul aandacht vaan oos tse kot.

Vuur zunt huuju heij ooch um tse baene
dat hae oos in dis daag moag blieve zaene.
D'r Jezus liet ooch zelf zië wat vuur doë mosse
vuur moage oos christen-zie noets achterwaege losse.
D'r Jezus hat aandach vuur gezong luuj en vuur kranke.
En doarum klinke heij huuju nit nur fröliche klanke.

Melaatse zunt beij d'r Jezus hoech in tel
Ooach al zunt ze krank aan hun hoed en aan hun vel.
D'r Jezus jaagt ze nit voet, mèr hae liët ze weete,
dat ze wer ziech wèr mensch moage heete.
Hae maakt dis luuj wer gezonk en bliej
En doavuer danke ze hem op de blooete kniej.

Oach vier mosse alle luuj um oos hin losse merke
dat veer hun, wenn ze 't sjwoar hant, wille sjterke.

Dat veer nit langs hun loape, langs hun vruijt en langs hun leed

Mer dat vuur doa zunt, wille deelee mit hiël veul hatselichheet.

Doa zunt luuj die erm zunt en honger hant,
Die luuj sjuuve vier duks zoëmèr aan de kant.

In de vaaste gunt veer vuur hun sjpaare
en oos geld gunt veer vuur hun bewaare
um dis luuj gezonkheit te beeje en ooch get gelök
vaan dizze verbongenheet wille veer nit mië tserök.

D'r janse vasteloavendscloep en zeker d'r road vaa elf
de auw prinse en och d'r Prins Richard zelf
wil iech vroage mit de vaasteactie mit tse wirke
um in erm läng vruit en gezonkheit ts bewerke
um doa de luuj en kraanke tse bringe een biesje gelök
hiël veul dank kriegt uur doavuur tseröck.
Oach will iech uuch op äsjegoonstig ee äsjkruitske gaeve
umdat veer ooch weete dat nit alles sjpass is in 't laeve.

Mèr noen, leef luuj, 't is carnaval, maakt hiël veul plezeer,
want carnaval huërt bie os zoë wie d'r sjnei beij 't
winterweer.

Jut d'r maat op um tse daanse en tse sjpringe
En gut uvveraal vasteloavendlidsjer zinge.
Drinkt ein glaas beer, mèr drinkt mit moate
Daan kint d'r in de vaaste doana't drinke misjien loate.

Drum zaag iech, maacht sjpas en blieft doch braaf
Daan wunsj iech, uunge pastoër, uuch een herzliech Alaaf,
alaaf, alaaf.